

Broj:01-05-1210-44-1/19 SS  
Sarajevo, 21.02.2019. godine

**KANTON SARAJEVO**  
**SKUPŠTINA KANTONA SARAJEVO**  
**- ovdje-**

**N/r Predsjedavajućeg Skupštine**

**Predmet:** Odgovor na Zastupničko pitanje

Zastupnica Samra Čosović-Hajdarević na četvrtoj Radnoj sjednici Skupštine Kantona Sarajevo, održanoj dana 30.01.2019. godine, u okviru tačke Dnevnog reda: “ Poslanička/zastupnička pitanja, inicijative i odgovori”, a u skladu sa Poslovnikom Skupštine Kantona Sarajevo postavila je zastupničko pitanje:

**Pitanje:**

“ U Sarajevu je sve više izraženiji nedostatak parking mjesta, a na javnim parking mjestima sve više imamo pokvarenih i neregistrovanih vozila. U čijoj je nadležnosti rješavanje ovog problema/pitanja? Molim da se što prije pokrene procedura i poduzmu aktivnosti vezane za izradu i usaglašavanje zakona o nadležnosti i odgovornosti istih.”

**Odgovor:**

Odbredbama člana 88. stav (1) Zakona o uređenju saobraćaja na području Kantona Sarajevo (“Službene novine Kantona Sarajevo”, br. 30/17, 46/17), propisano je da je Ministarstvo unutrašnjih poslova Kantona Sarajevo nadležno da vrši evidenciju i uklanjanje oštećenih, dotrajalih, napuštenih i neregistrovanih vozila i olupina.

Izuzetno od stava (1) ovog člana, uz prethodnu saglasnost MUP-a, premještanje vozila i olupina obavljaju organizacija, pravno ili fizičko lice koje ovlasti nadležno ministarstvo unutrašnjih poslova (stav (2)).

Troškove premještanja vozila i olupina u slučajevima iz člana 87. ovog zakona snosi vlasnik vozila i olupine.

Visinu troškova premještanja vozila i olupina i lokaciju odlaganja vozila i olupina, u skladu sa odredbama ovog zakona utvrđuje Vlada Kantona Sarajevo.

Ministar saobraćaja imenovao je radnu grupu za pripremu propisa o visini troškova premještanja vozila i olupina i lokacija odlaganja vozila i olupina iz člana 86. stav (1) Zakona o uređenju saobraćaja i način utvrđivanja vlasništva te drugih pitanja vezanih za vozila i olupine iz člana 86. stav (1) ovog zakona, a koja trenutno preduzima aktivnosti na iznalaženju lokacije na području Kantona Sarajevo, na kojoj bi se odlagala pomenuta vozila i koja će pripremiti propis.

Nakon usvajanja ovog propisa od strane Vlade, Ministarstvo unutrašnjih poslova u saradnji sa KJKP “Rad“ doo Sarajevo, moći će pristupiti evidentiranju i uklanjanju oštećenih, dotrajalih, napuštenih i neregistrovanih vozila i olupina, te na taj način stvoriti uvjete za povećanje broja parking mjesta na javnim parkinzima.

M I N I S T A R

Adnan Šteta

Dostaviti:

- 1.Naslovu
- 2.Stručna služba Vlade
- 3.A/a

Obradila: stručni saradnik Sabina Sušić

Kontrolisao: Pomoćnik ministra Zdenko Pavlović